

„ERLANG“ d.o.o. Sarajevo, ulica Hamdije Kreševljakovića br. 61, ID broj: 4200153060006, zastupan po direktorici Šatara Saneli, (u daljem tekstu Prodavac)

i

KANTON SARAJEVO STRUČNA SLUŽBA ZA ZAJEDNIČKE POSLOVE, ulica Reisa Džemaludina Čauševića br. 1, ID broj: 4200667410006, zastupana po načelniku Jašarević Fikret, (u daljem tekstu Kupac) sklapaju:

U G O V O R BROJ: 17-14-26239-14
o nabavci, isporuci i montaži telefonske centrale

Član 1.

Ovim ugovorom ugovorne strane utvrđuju prava i obaveze vezana za nabavku, isporuku i montažu telefonske centrale u skladu sa ponudom broj: 030-17 od 31.8.2017. godine, zaprimljenom pod brojem: 17-14-27101 od 07.09.2017. godine, dostavljene po pozivu za ponudom za nabavku, isporuku i montažu telefonske centrale.

Prodavac se obavezuje vršiti prodaju proizvoda iz stava 1. ovog člana Kupcu, a Kupac plaćati isti proizvod prema odredbama ovog ugovora, a u skladu sa cijenama koje su date u gore navedenoj ponudi, koja je sastavni dio ovog Ugovora.

Član 2.

Prodavac se obavezuje da će isporuku proizvoda iz tačke 1. ovog Ugovora vršiti franco “Centralna zgrada Kantona Sarajevo” u ul. Reisa Džemaludina Čauševića 1.

Član 3.

Nabavku, isporuka i montaža telefonske centrale iz ovog Ugovora obaviti će se po cijenama i kvalitetu prihvaćenim u ponudi, zaprimljenoj pod brojem: 17-14-27101 od 07.09.2017. godine.

Ukupna cijena za nabavku, isporuku i montažu telefonske centrale po ovom Ugovoru iznosi:

1. Cijena bez PDV-a	22.100,00 KM
2. PDV	3.757,00 KM

3. Cijena sa PDV-om	25.857,00 KM.

Slovima: (Dvadesetpetiljadaosamstotinapedesetsedam KM).

Član 4.

Rok za realizaciju ugovora je 60 dana od dana potpisivanja ugovora.

Član 5.

Obim isporuke iskazan u tački 1. ovog Ugovora, obuhvata:

- isporuku i montažu telefonske centrale, te pripadajuće opreme,
- izvođenje cijelog kapaciteta telefonske centrale na rastavne KRONE reglete udaljene od ormara 5 metara,
- puštanje u rad telefonske centrale,

- programiranje i konfigurisanje telefonske centrale,
- održavanje u garantnom roku.

Član 6.

Za ugovorenu opreme iz tačke 1. ovog Ugovora Prodavac daje garanciju na kvalitet i funkcionalnost u trajanju od:

1. 12 (dvanaest) mjeseci od dana montaže i puštanja u rad telefonske centrale.

Garancija za opremu obuhvata sve kvarove nastale uslijed grešaka u projektovanju, proizvodnji i materijalu.

Prodavac će u toku garantnog perioda održavati opremu u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravni dio opreme.

Sve neispravne komponente ili dijelovi opreme ostaju vlasništvo Prodavca.

Garancija se ne priznaje u slučaju kada je do kvara na opremi došlo uslijed:

- I. nepravilne, nestručne upotrebe opreme,
- II. neadekvatnih uslova za rada opreme,
- III. više sile i
- IV. drugih nepredviđenih događaja.

Kupac gubi pravo na garanciju ako u toku garantnog perioda, bez pristanka Prodavca, sam ili putem trećih lica vrši popravke na predmetu Ugovora.

Član 7.

Kvalitativni i kvantitativni prijem proizvoda iz ovog ugovora Kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrdi se oštećenje primljenih proizvoda ili ako se ustanovi da kvalitet robe ne odgovara utvrđenom kvalitetu, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

Član 8.

Prodavac je dužan da odmah po dobijanju zapisnika sa utvrđenim nedostacima, provjeri istinitost predočenih navoda i ukoliko se potvrdi tačnost iznesenih argumenata, dužan je „odmah“ a najduže u roku od 48 sata otkloniti nedostatke (izvršiti zamjenu). Ukoliko to ne učini Kupac zadržava pravo da u roku od 24 sata jednostrano raskine ovaj ugovor i o tome pismeno obavijesti Prodavca, a isporučenu nekvalitetnu (neadekvatnu) robu vrati prodavcu.

Također, Kupac zadržava pravo jednostranog raskida ugovora ukoliko se utvrdi da prodavac ne poštuje rokove isporuke robe, odnosno ukoliko se utvrdi da Prodavac svjesno krši bilo koju ugovorenu stavku ovog ugovora.

Član 9.

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom – zapisnikom, uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

Član 10.

Prodavac će fakturisati isporučeni proizvod po cijenama iz ponude broj: **030-17 od 31.8.2017. godine**, zaprimljene pod brojem: **17-14-27101 od 07.09.2017. godine**, prihvaćene po pozivu za nabavku i isporuku telefonske centrale. Također, prodavac se obavezuje da će fakture za isporučenu robu ispostaviti u roku od **15** dana od dana isporuke i montaže.

Član 11.

Sastavni dio ovog ugovora je Odluka o izboru najpovoljnijeg ponuđača broj: **17-14-26239-09/17 od 11.09.2017. godine**, i ponuda broj: **030-17 od 31.8.2017. godine**, zaprimljene pod brojem: **17-14-27101 od 07.09.2017. godine**, kroz koju je navedena specifikacija robe koja je predmet ovog Ugovora.

Član 12.

Kupac se obavezuje platiti fakturu prodavcu u roku od **30 (slovima: trideset)** dana od dana prijema fakture.

Član 13.

Ugovorne strane su saglasne da će sve izmjene i dopune ovog ugovora regulisati dodatnim ugovorom, uz provođenje Zakonom o javnim nabavkama (Službeni glasnik BiH 39/14) utvrđenih procedura.

Član 14.

Ovaj ugovor se počinje **primjenjivati danom potpisivanja i vrijedi do momenta isporuke, montaže i tehničkog prijema telefonske centrale.**

Član 15.

Ugovorne strane mogu jednostrano otkazati ugovor pismenim putem sa otkaznim rokom od 15 dana.

Član 16.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 17.

Ovaj ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani.

PRODAVAC:
„ERLANG“ d.o.o. Sarajevo

Društvo za prometu
razvoj i pos.

KUPAC: KANTON SARAJEVO
Stručna služba za zajedničke poslove

Broj: 128/17
Sarajevo, 11.10.2017. godine

Broj: 17-14-26239-14
Sarajevo, 05-10-2017 godine